॥तैत्तिरीय ब्राह्मणम्॥

॥तृतीयः प्रश्नः॥

॥ तैत्तिरीयब्राह्मणे द्वितीयाष्टके तृतीयः प्रपाठकः॥

ब्रह्मवादिनों वदन्ति। किं चतुंर्होतृणां चतुर्होतृत्विमितिं। यदेवैषु चंतुर्धा होतांरः। तेन चतुंर्होतारः। तस्माचतुंर्होतार उच्यन्ते। तचतुर्रहोतृणां चतुर्होतृत्वम्। सोमो वै चतुंर्होता। अग्निः पश्चंहोता। धाता षड्ढोता। इन्द्रंः सप्तहोता॥१॥

प्रजापंतिर्दशंहोता। य एवं चतुंर्होतृणामृद्धिं वेदं। ऋधोत्येव। य एषामेवं बन्धुतां वेदं। बन्धुंमान्भवति। य एषामेवं कृप्तिं वेदं। कल्पंतेऽस्मै। य एषामेवमायतंनं वेदं। आयतंनवान्भवति। य एषामेवं प्रतिष्ठां वेदं॥२॥

प्रत्येव तिष्ठति। ब्रह्मवादिनो वदन्ति। दश्होता चतुर्होता। पश्चहोता पङ्घोता सप्तहोता। अथ कस्माचतुर्होतार उच्यन्त इति। इन्द्रो वै चतुर्होता। इन्द्रः खलु वै श्रेष्ठो देवतानामुप्देशनात्। य प्रविमन्द्रङ् श्रेष्ठं देवतानामुप्देशनाद्वेदं। विसेष्ठः समानानां भवति। तस्माच्छ्रेष्ठमायन्तं प्रथमेनैवानुं बुध्यन्ते। अयमागन्। अयमवांसादिति। कीर्तिरंस्य पूर्वाऽऽगंच्छिति जनतांमायतः। अथो एनं प्रथमेनैवानुं बुध्यन्ते। अयमागन्। अयमवांसादिति॥३॥

दक्षिणां प्रतिग्रहीष्यन्थ्सप्तदेशकृत्वोऽपाँन्यात्। आत्मानंमेव सिमंन्धे। तेजंसे वीर्याय। अथौं प्रजापंतिरेवैनां भूत्वा प्रतिगृह्णाति। आत्मनोऽनाँत्यै। यद्येनमार्त्विज्याद्वृतः सन्तं निर्हरेरन्। आग्नींध्रे जुहुयाद्दशंहोतारम्। चृतुर्गृहीतेनाऽऽज्येन। पुरस्ताँत्प्रत्यिङ्गिष्ठन्। प्रतिलोमं विग्राहम्॥४॥

प्राणानेवास्योपं दासयति। यद्येनं पुनंरुप् शिक्षेयुः। आग्नींध्र एव जुंहुयाद्दशंहोतारम्। चतुर्गृहीतेनाऽऽज्येन। पश्चात्प्राङासीनः। अनुलोममविंग्राहम्। प्राणानेवास्में कल्पयति। प्रायंश्चित्ती वाग्घोतेत्यृंतुमुखऋंतुमुखे जुहोति। ऋतूनेवास्में कल्पयति। कल्पंन्तेऽस्मा ऋतवंः॥५॥

कुप्ता अस्मा ऋतव आयंन्ति। षड्ढोता वै भूत्वा प्रजापंतिरिदश् सर्वमसृजत। स मनोऽसृजत। मन्सोऽधि गायत्रीमंसृजत। तद्गायत्रीं यशं आर्च्छत्। तामाऽलंभत। गायत्रिया अधि छन्दाईस्यसृजत। छन्दोभ्योऽधि सामं। तथ्साम् यशं आर्च्छत्। तदाऽलंभत॥६॥

साम्नोऽधि यजू ईष्यसृजत। यजुर्भ्योऽधि विष्णुम्। तद्विष्णुं यशं आर्च्छत्। तमाऽलंभत। विष्णोरध्योषंधीरसृजत। ओषंधीभ्योऽधि सोमम्। तथ्सोमं यशं आर्च्छत्। तमाऽलंभत। सोमादधि पृशूनंसृजत। पृशुभ्योऽधीन्द्रम्॥७॥

तिदन्द्रं यशं आर्च्छत्। तदेनुन्नाति प्राच्यंवत। इन्द्रं इव

यश्स्वी भंवति। य एवं वेदं। नैनं यशोऽति प्रच्यंवते। यद्वा इदं किं चं। तथ्सवंमुत्तान एवाऽऽङ्गीर्सः प्रत्यंगृह्णात्। तदेनं प्रति-गृहीतं नाहिनत्। यत्किं चं प्रतिगृह्णीयात्। तथ्सवंमुत्तानस्त्वां-ऽऽङ्गीर्सः प्रतिंगृह्णात्वित्येव प्रतिंगृह्णीयात्। इयं वा उत्तान आङ्गीर्सः। अनयैवैनृत्प्रतिंगृह्णाति। नैन हे हिनस्ति। बर्हिषा प्रतीयाद्गां वाऽश्वं वा। एतद्वे पंशूनां प्रियं धामं। प्रियेणैवैनं धाम्ना प्रत्येति॥८॥

विग्राहंमृतव्स्तदाऽलंभतेन्द्रं गृह्णीयाथ्यद्वं॥————[२]

यो वा अविद्वान्निवर्तयंते। विशीर्षा सपाँप्गाऽमुिष्मं होके भंवति। अथ यो विद्वान्निवर्तयंते। सशीर्षा विपाँप्गा-ऽमुिष्मं होके भंवति। देवता वै सप्त पृष्टिकामा न्यंवर्तयन्त। अग्निश्चं पृथिवी चं। वायुश्चान्तरिक्षं च। आदित्यश्च द्यौश्चं चन्द्रमाँः। अग्निर्यंवर्तयत। स सांहस्रमंपुष्यत्॥९॥

पृथिवी न्यंवर्तयत। सौषंधीभिवंनस्पतिंभिरपुष्यत्। वायुर्न्यं-वर्तयत। स मरींचीभिरपुष्यत्। अन्तरिक्षं न्यंवर्तयत। तद्वयोंभिरपुष्यत्। आदित्यो न्यंवर्तयत। स रिश्मिभिरपुष्यत्। द्यौर्न्यंवर्तयत। सा नक्षंत्रैरपुष्यत्। चन्द्रमा न्यंवर्तयत। सोंऽहोरात्रैर्र्धमासैर्मासैर्त्रस्तुभिः संवथ्सरेणांपुष्यत्। तान्योषान्युष्यति। याइस्तेऽपुष्यन्। य एवं विद्वान्नि चं वर्तयंते परि च॥१०॥ अपुष्यन्नक्षंत्रेरपुष्यत्पर्श्च च॥------[३]

तस्य वा अग्नेर्हिरंण्यं प्रतिजग्रहुषंः। अर्धमिन्द्रियस्यापाँक्रामत्। तदेतेनैव प्रत्यंगृह्णात्। तेन् वे सौंऽर्धमिन्द्रियस्याऽऽत्मन्नुपाधंत्त। अर्धमिन्द्रियस्याऽऽत्मन्नुपाधंते। य एवं
विद्वान् हिरंण्यं प्रतिगृह्णातिं। अथ् योऽविद्वान्प्रतिगृह्णातिं।
अर्धमस्येन्द्रियस्यापंक्रामति। तस्य वे सोमंस्य वासंः
प्रतिजग्रहुषंः। तृतींयमिन्द्रियस्यापाँक्रामत्॥११॥

तदेतेनैव प्रत्यंगृह्णात्। तेन वै स तृतींयमिन्द्रियस्या-ऽऽत्मन्नुपार्धत्त। तृतीयमिन्द्रियस्याऽऽत्मन्नुपार्धत्ते। य पुवं विद्वान् वासंः प्रतिगृह्णातिं। अथु योऽविंद्वान्प्रति-गृह्णाति। तृतीयमस्येन्द्रियस्यापंत्रामति। तस्य वै रुद्रस्य गां प्रतिजग्रहुषंः। चृतुर्थिमिन्द्रियस्यापौक्रामत्। तामेतेनैव प्रत्यंगृह्णात्। तेन् वै स चतुर्थमिन्द्रियस्याऽऽत्मन्नुपाधंत्त॥१२॥ चतुर्थमिन्द्रियस्याऽऽत्मन्नुपाधिते। य एवं विद्वान्गां प्रतिगृह्णाति। अथ योऽविद्वान्प्रतिगृह्णाति। चुतुर्थमंस्येन्द्रिय-स्यापंत्रामति। तस्य वै वरुणस्यार्श्वं प्रतिजग्रह्षंः। पश्चमिन्द्रियस्यापाँकामत्। तमेतेनैव प्रत्यंगृह्णात्। तेन वै स पंश्वमिनिद्वयस्याऽऽत्मन्नुपार्धत्त। पश्चमिनिद्वयस्या-ऽऽत्मन्नुपार्धत्ते। य एवं विद्वानश्वं प्रतिगृह्णातिं॥१३॥

अथ् योऽविंद्वान्प्रतिगृह्णातिं। पृश्चममंस्येन्द्रियस्यापंक्रामति। तस्य वै प्रजापंतेः पुरुषं प्रतिजग्रहुषंः। षृष्ठमिंन्द्रिय- स्यापाँकामत्। तमेतेनैव प्रत्यंगृह्णात्। तेन् वै स ष्ष्ठिमिन्द्रिय-स्याऽऽत्मन्रुपाधंत्त। षष्ठिमिन्द्रियस्याऽऽत्मन्रुपाधंत्ते। य एवं विद्वान्पुरुषं प्रतिगृह्णातिं। अथ् योऽविंद्वान्प्रतिगृह्णातिं। षष्ठमेस्येन्द्रियस्यापंकामति॥१४॥

तस्य वै मनोस्तर्ल्पं प्रतिजग्रहुषंः। सप्तमिन्द्रिय-स्यापानामत्। तमेतेनैव प्रत्यंगृह्णात्। तेन वै स संप्तमिनिद्रयस्याऽऽत्मन्नुपाधंत्त। सप्तमिनिद्रयस्या-ऽऽत्मन्नुपाधंत्ते। य एवं विद्वाङ्स्तर्ल्पं प्रतिगृह्णातिं। अथ् योऽविद्वान्प्रतिगृह्णातिं। सप्तममंस्येन्द्रियस्यापंत्रामित। तस्य वा उंत्तानस्यांऽऽङ्गीर्सस्याप्राणत्प्रतिजग्रहुषंः। अष्टमिनिद्रयस्यापानामत्॥१५॥

तदेतेनैव प्रत्यंगृह्णात्। तेन् वै सौंऽष्ट्रमिनिद्भयस्या-ऽऽत्मन्नुपार्धत्त। अष्ट्रमिनिद्भयस्याऽऽत्मन्नुपार्धत्ते। य एवं विद्वानप्रांणत्प्रतिगृह्णातिं। अथ् योऽविद्वान्प्रतिगृह्णातिं। अष्ट्रम-मंस्येन्द्रियस्यापंत्रामित। यद्वा इदं किं चं। तथ्सर्वमृत्तान एवाऽऽङ्गीर्सः प्रत्यंगृह्णात्। तदेनं प्रतिगृहीतं नाहिनत्। यत्किं चं प्रतिगृह्णीयात्। तथ्सर्वमृत्तानस्त्वांऽऽङ्गीर्सः प्रतिगृह्णीयात्। इयं वा उत्तान आंङ्गीर्सः। प्रतिगृह्णात्वत्येव प्रतिगृह्णीयात्। इयं वा उत्तान आंङ्गीर्सः। अनयेवेनत्प्रतिगृह्णाति। नैन र् हिनस्ति॥१६॥

तृतींयमिन्द्रियस्यापाँकामचतुर्थमिन्द्रियस्यात्मन्नुपाधृत्तार्श्वं प्रतिगृह्णातिं षृष्ठमंस्येन्द्रियस्यापंकामत्यष्टमिनं न्द्रियस्यापाँकामत्प्रतिगृह्णीयाचृत्वारिं च (तस्य वा अग्नेर्हिरंण्यु सोमंस्य वासुस्तदेतेनं रुद्रस्य गान्तामेतेन वर्रणस्यार्श्वं प्रजापंतेः पुर्रुषं मनोस्तल्पन्तमेतेनौत्तानस्य तदेतेनाप्राण्छिहै। अर्थं तृतीयमष्टमं तचेतुर्थं तां पश्चमर षष्ठर संप्तमन्तम्। तदेतेन् हे तामेतेनैकं तमेतेन् त्रीणि तदेतेनैकम्॥॥———[४]

ब्रह्मवादिनों वदन्ति। यद्दर्शहोतारः स्त्रमासंत। केन् ते गृहपंतिनाऽऽर्भुवन्। केनं प्रजा अंसृजन्तेति। प्रजापंतिना वै ते गृहपंतिनाऽऽर्भुवन्। तेनं प्रजा अंसृजन्त। यचतुंर्होतारः स्त्रमासंत। केन् ते गृहपंतिनाऽऽर्भुवन्। केनौषंधीरसृजन्तेतिं। सोमेन् वै ते गृहपंतिनाऽऽर्भुवन्॥१७॥

तेनौषंधीरसृजन्त। यत्पश्चंहोतारः स्त्रमासंत। केन् ते गृहपंतिनाऽऽर्ध्रुवन्। केनैभ्यो लोकभ्योऽसुंरान्प्राणुंदन्त। केनैषां पृशूनंवृञ्जतेतिं। अग्निना वै ते गृहपंतिनाऽऽर्ध्रुवन्। तेनैभ्यो लोकभ्योऽसुंरान्प्राणुंदन्त। तेनैषां पृशूनंवृञ्जत। यथ्यङ्कांतारः स्त्रमासंत। केन् ते गृहपंतिनाऽऽर्ध्रुवन्॥१८॥

केन्तूनंकल्पयन्तेतिं। धात्रा वै ते गृहपंतिनाऽऽर्ध्रुवन्। तेन्तूनंकल्पयन्त। यथ्सप्तहोतारः स्त्रमासंत। केन् ते गृहपंतिनाऽऽर्ध्रुवन्। केन् सुवंरायन्। केन्माँ श्लोकान्थ्समं-तन्वित्रितिं। अर्यम्णा वै ते गृहपंतिनाऽऽर्ध्रुवन्। तेन् सुवंरायन्। तेन्माँ श्लोकान्थ्समंतन्वित्रितिं॥१९॥

पुते वै देवा गृहपंतयः। तान् य पुवं विद्वान्। अप्यन्यस्यं गार्हपते दीक्षते। अवान्तरमेव सत्रिणांमृभ्नोति। यो वा अर्युमणुं वेदं। दानंकामा अस्मै प्रजा भवन्ति। युज्ञो वा अर्यमा। आर्यावस्तिरिति वै तमांहुर्यं प्रशर्सन्ति। आर्यावस्तिर्भवति। य एवं वेदं॥२०॥

यद्वा इदं किं चे। तथ्सर्वं चतुंर्होतारः। चतुंर्होतृभ्योऽिधं यज्ञो निर्मितः। स य एवं विद्वान् विवदंत। अहमेव भूयों वेद। यश्चतुंर्होतृन् वेदेति। स ह्यंव भूयो वेदं। यश्चतुंर्होतृन् वेदं। यो वै चतुंर्होतृणा् होतृन् वेदं। सर्वां सु प्रजास्वन्नंमित्त॥२१॥ सर्वा दिशोऽिभ जंयित। प्रजापंतिर्वे दशंहोतृणा् होतां। सोम्श्चतुंर्होतृणा् होतां। अग्निः पश्चहोतृणा् होतां। धाता षह्वांतृणा् होतां। अर्यमा सप्तहांतृणा् होतां। एते वै चतुंर्होतृणा् होतां। सर्वा दश्चेहोतृणा् होतां। प्रजास्वन्नंमित्त। सर्वा दिशोऽिभ जंयित॥२२॥ प्रजास्वन्नंमित्त। सर्वा दिशोऽिभ जंयित॥२२॥

आर्धुवृत्रार्धुवृत्रित्येवं वेदाँत्ति सर्वा दिशोऽभि जंयति (वै तेनं सृत्रङ्कर्नः॥)॥———[५]

प्रजापितिः प्रजाः सृष्ट्वा व्यंस्रश्सत। स हृदंयं भूतोऽशयत्। आत्मन् हा (३) इत्यह्वंयत्। आपः प्रत्यंश्रण्वन्। ता अंग्निहोत्रेणैव यंज्ञकृतुनोपं पूर्यावंतिन्त। ताः कुसिन्धमुपौहन्। तस्मादिग्निहोत्रस्यं यज्ञकृतोः। एकं ऋत्विक्। चृतुष्कृत्वो-ऽह्वंयत्। अग्निर्वायुर्यदित्यश्चन्द्रमाः॥२३॥

ते प्रत्यंश्रण्वन्। ते दंर्शपूर्णमासाभ्यांमेव यंज्ञकृतुनोपं पूर्यावंतन्त। त उपौहङ्श्रुत्वार्यङ्गानि। तस्माद्द्शपूर्ण-मासयौर्यज्ञकृतोः। चुत्वारं ऋत्विजः। पुश्चकृत्वोऽह्वंयत्। पृशवः प्रत्यंशृण्वन्। ते चांतुर्मास्यैरेव यंज्ञऋतुनोपं पूर्यावंर्तन्त। त उपौहं लोमं छुवीं मार्समस्थिं मुज्जानम्। तस्माचातुर्मास्यानां यज्ञऋतोः॥२४॥

पश्चर्त्विजः। षट्कृत्वोऽह्वंयत्। ऋतवः प्रत्यंशृण्वन्। ते पंशुबन्धेनैव यंज्ञऋतुनोपंपूर्यावंर्तन्त। त उपौहुन्थ्स्तनांवाण्डो शिश्ञमवाश्चं प्राणम्। तस्मात्पशुबन्धस्यं यज्ञऋतोः। षड्विजः। स्मकृत्वोऽह्वंयत्। होत्राः प्रत्यंशृण्वन्। ताः सौम्येनैवाध्वरेणं यज्ञऋतुनोपंपूर्यावंर्तन्त॥२५॥

ता उपौहन्थ्सप्त शीर्षण्यांन्प्राणान्। तस्मांथ्यौम्यस्यांध्वरस्यं यज्ञकृतोः। सप्त होत्राः प्राचीर्वषंद्भुवन्ति। दृश्कृत्वोऽह्वंयत्। तपः प्रत्यंश्वणोत्। तत्कर्मणैव संवथ्यरेण सर्वैयज्ञकृतुभिरुपं पूर्यावर्ततः। तथ्सर्वमात्मानमपंरिवर्गमुपौहत्। तस्मांथ्यंवथ्यरे सर्वे यज्ञकृतवोऽवंरुध्यन्ते। तस्माद्दशंहोता चतुरहोता। पश्चंहोता षङ्कोता सप्तहोता। एकंहोत्रे बुलिश हंरन्ति। हर्रन्त्यस्मै प्रजा बुलिम्। ऐन्मप्रतिख्यातं गच्छति। य एवं वेदं॥२६॥

चन्द्रमाँश्चातुर्मास्यानाँ यज्ञकृतोरंध्वरेणं यज्ञकृतुनोपं पुर्यावर्तन्त सप्तहोता चत्वारिं च॥——[६]

प्रजापंतिः पुरुषमसृजत। सौंऽग्निरंब्रवीत्। ममायमन्नं-मुस्त्विति। सोंऽबिभेत्। सर्वं वै माऽयं प्र धंक्ष्यतीति। स पुताङ्श्चतुंर्होतृनात्मस्परंणानपश्यत्। तानंजुहोत्। तैर्वे स आत्मानंमस्पृणोत्। यदंग्निहोत्रं जुहोतिं। एकंहोतारमेव तद्यंज्ञऋतुमाँप्रोत्यग्निहोत्रम्॥२७॥

कुसिंन्धं चाऽऽत्मनंः स्पृणोतिं। आदित्यस्यं च सायुंज्यं गच्छति। चतुरुन्नंयति। चतुंरहोतारमेव तद्यंज्ञऋतुमाँप्रोति दर्शपूर्णमासौ। चत्वारिं चाऽऽत्मनोऽङ्गांनि स्पृणोतिं। आदित्यस्यं च सायुंज्यं गच्छति। चतुरुन्नंयति। समित्पंश्चमी। पश्चंहोतारमेव तद्यंज्ञऋतुमाँप्रोति चातुर्मास्यानिं। लोमं छुवीं मा॰समस्थिं मज्ञानम्॥२८॥

तानिं चाऽऽत्मनः स्पृणोतिं। आदित्यस्यं च सायुंज्यं गच्छति। चतुरुन्नंयति। द्विर्जुहोति। षङ्कोतारमेव तद्यंज्ञऋतुमाँप्नोति पशुबन्धम्। स्तनांवाण्डौ शिश्ञमवांश्चं प्राणम्। तानिं चाऽऽत्मनः स्पृणोतिं। आदित्यस्यं च सायुंज्यं गच्छति। चतुरुन्नंयति। द्विर्जुहोति॥२९॥

स्मिथ्संप्तमी। स्प्तहोतारमेव तद्यंज्ञऋतुमाँप्रोति सौम्यमंध्वरम्। स्प्त चाऽऽत्मनः शीर्षण्याँन्प्राणान्थ्स्पृणोति। आदित्यस्यं च् सायुंज्यं गच्छति। चतुरुन्नंयति। द्विर्जुहोति। द्विर्निमाँष्टि। द्विः प्राश्ञांति। दशहोतारमेव तद्यंज्ञऋतुमाँप्रोति संवथ्स्रम्। सर्वं चाऽऽत्मान्मपंरिवर्गं स्पृणोति। आदित्यस्यं च् सायुंज्यं गच्छति॥३०॥ प्रजापंतिरकामयत् प्रजांयेयेतिं। स तपांऽतप्यत। सौंऽन्तर्वानभवत्। स हरितः श्यावांऽभवत्। तस्माथ्र्स्यंन्तर्वं ली। हरिणी सती श्यावा भवति। स विजायंमानो गर्भेणाताम्यत्। स तान्तः कृष्णः श्यावांऽभवत्। तस्मांतान्तः कृष्णः श्यावो भंवति। तस्यासुरेवाजींवत्॥३१॥

तेनासुनाऽसुंरानसृजत। तदसुंराणामसुर्त्वम्। य एवमसुंराणामसुर्त्वं वेदं। असुंमानेव भंवति। नैन्मसुंर्जहाति। सोऽसुंरान्थ्सृष्ट्वा पितेवांमन्यत। तदनुं पितृनंसृजत। तत्पितृणां पितृत्वम्। य एवं पितृणां पितृत्वं वेदं। पितेवैव स्वानां भवति॥३२॥

यन्त्यंस्य पितरो हवम्ँ। स पितॄ-श्मृष्ट्वाऽऽमंनस्यत्। तदनुं मनुष्यांनसृजत। तन्मंनुष्यांणां मनुष्यत्वम्। य एवं मंनुष्यांणां मनुष्यत्वं वेदं। मनुस्त्येव भंवति। नैनं मनुंर्जहाति। तस्मै मनुष्यांन्थ्ससृजानायं। दिवां देवत्रा-ऽभंवत्। तदनुं देवानंसृजत। तद्देवानां देवत्वम्। य एवं देवानां देवत्वं वेदं। दिवां हैवास्यं देवत्रा भंवति। तानि वा एतानि चत्वार्यम्भा स्सि। देवा मनुष्याः पितरोऽसुंराः। तेषु सर्वेष्वम्भो नभं इव भवति। य एवं वेदं॥३३॥

अजीवथ्स्वानां भवति देवानंसृजत सप्त चं॥_____[८]

ब्रह्मवादिनों वदन्ति। यो वा इमं विद्यात्। यतोऽयं पर्वते।

यदंभि पवंते। यदंभि सम्पवंते। सर्वमायुंरियात्। न पुरा-ऽऽयुंषः प्र मीयेत। पृशुमान्थ्स्यात्। विन्देतं प्रजाम्। यो वा इमं वेदं॥३४॥

यतोऽयं पर्वते। यदंभि पर्वते। यदंभि सम्पर्वते। सर्वमायुरिति। न पुराऽऽयुंषः प्र मीयते। पृशुमान्भवति। विन्दते प्रजाम्। अद्धः पंवते। अपोऽभि पंवते। अपोऽभि सम्पंवते॥३५॥

अस्याः पंवते। इमाम्भि पंवते। इमाम्भि सम्पंवते। अग्नेः पंवते। अग्निम्भि पंवते। अग्निम्भि सम्पंवते। अन्तरिक्षात्पवते। अन्तरिक्षम्भि पंवते। अन्तरिक्षम्भि सम्पंवते। आदित्यात्पंवते॥३६॥

आदित्यम्भि पंवते। आदित्यम्भि सम्पंवते। द्योः पंवते। दिवंम्भि पंवते। दिवंम्भि सम्पंवते। दिग्भ्यः पंवते। दिशोऽभि पंवते। दिशोऽभि सम्पंवते। स यत्पुरस्ताद्वातिं। प्राण एव भूत्वा पुरस्तौद्वाति॥३७॥

तस्मौत्पुरस्ताद्वान्तम्। सर्वाः प्रजाः प्रति नन्दन्ति। प्राणो हि प्रियः प्रजानाम्। प्राण इंव प्रियः प्रजानां भवति। य एवं वेदे। स वा एष प्राण एव। अथ् यद्देक्षिणतो वार्ति। मात्रिश्वेव भूत्वा देक्षिणतो वांति। तस्मौद्दक्षिणतो वान्तं विद्यात्। सर्वा दिश आ वांति॥३८॥

सर्वा दिशोऽनु वि वांति। सर्वा दिशोऽनु सं वातीतिं।

स वा एष मांतिरश्वेव। अथ् यत्पश्चाद्वाति। पवंमान एव भूत्वा पश्चाद्वांति। पूतमंस्मा आहंरन्ति। पूतम्पंहरन्ति। पूतमंश्वाति। य एवं वेदं। स वा एष पवंमान एव॥३९॥ अथ् यद्त्रत्तो वाति। स्वितेव भूत्वोत्तंरतो वांति। स्वितेव स्वानां भवति। य एवं वेदं। स वा एष संवितेव। ते य एनं पुरस्तांदायन्तंमुपवदंन्ति। य एवास्यं पुरस्तांत्पाप्मानंः। ताइस्तेऽपं घ्रन्ति। पुरस्तादितंरान्पाप्मनंः सचन्ते। अथ् य एनं दक्षिण्त आयन्तंमुपवदंन्ति॥४०॥

य एवास्यं दक्षिणतः पाप्मानंः। ता इस्ते ऽपं घ्रन्ति। दक्षिणत इतरान्पाप्मनः सचन्ते। अथ य एनं पृश्चादायन्तंमुप् वदंन्ति। य एवास्यं पश्चात्पाप्मानंः। ताङ्स्तेऽपं घ्रन्ति। पश्चादितंरान्याप्मनंः सचन्ते। अथु य एनमुत्तर्त आयन्तंमुप् वदंन्ति। य पुवास्यौत्तरतः पाप्मानः। ताङ्स्तेऽपं घ्रन्ति॥४१॥ उत्तरत इतरान्पाप्मनंः सचन्ते। तस्मदिवं विद्वान्। वीवं नृत्येत्। प्रेवं चलेत्। व्यस्यंवाक्ष्यौ भाषित। मण्टयंदिव। ऋाथयंदिव। शृङ्गायेतंव। उत मोपं वदेयुः। उत मं पाप्मानुमपं हन्युरितिं। स यान्दिशर् सुनिमेष्यन्थस्यात्। यदा तान्दिशं वातों वायात्। अथ प्रवेयात्। प्र वां धावयेत्। सातमेव रंदितं व्यूंढं गन्धमभि प्रच्यंवते। आऽस्य तं जनपदं पूर्वा कीर्तिर्गच्छति। दानंकामा अस्मै प्रजा भंवन्ति। य एवं वेदं॥४२॥

वेद सम्पंवत आदित्यात्पंवते वात्या वाँत्येष पर्वमान पृव देक्षिणृत आयन्तंमुप् वर्दन्त्युत्तर्तः पाप्मान्स्ताः स्तेपं घ्रन्तीत्यृष्टौ चं॥————[९]

प्रजापंतिः सोम् राजांनमसृजत। तं त्रयो वेदा अन्वंसृज्यन्त। तान् हस्तेंऽकुरुत। अथ् ह सीतां सावित्री। सोम् राजांनं चकमे। श्रृद्धामु स चंकमे। साऽऽहं पितरंं प्रजापंतिमुपंससार। त॰ होवाच। नमंस्ते अस्तु भगवः। उपं त्वाऽयानि॥४३॥

प्रत्वां पद्ये। सोमं वै राजांनं कामये। श्रद्धामु स कांमयत् इति। तस्यां उ ह स्थांग्रमंलङ्कारं केल्पयित्वा। दशहोतारं पुरस्तांद्याख्यायं। चतुंर्होतारं दक्षिण्तः। पश्चंहोतारं पृश्चात्। षड्ढोतारमुत्तर्तः। सप्तहोतारमुपरिष्टात्। सम्भारैश्च पिन्निभिश्च मुखेंऽलङ्कृत्यं॥४४॥

आऽस्यार्धं वंब्राज। ता होदीक्ष्योवाच। उप मा वंर्तस्वेति। तर होवाच। भोगं तु म आचंक्ष्व। एतन्म आचंक्ष्व। यत्ते पाणाविति। तस्यां उ ह त्रीन् वेदान्प्रदेदौ। तस्मादुह स्त्रियो भोगमैव हारयन्ते। स यः कामयेत प्रियः स्यामिति॥४५॥ यं वां कामयेत प्रियः स्यादिति। तस्मां एत स्थांग्रमंलङ्कारं कंल्पयित्वा। दश्रंहोतारं पुरस्तां द्याख्यायं। चतुंरहोतारं दक्षिणतः। पश्चंहोतारं पृश्चात्। षङ्कोतारमुत्तरः। स्महोतारमुपरिष्टात्। सम्भारश्च पित्रिभिश्च मुखंऽलङ्कृत्यं। आस्यार्धं व्रजेत्। प्रियो हैव भवति॥४६॥

अयान्यलङ्कृत्यं स्यामितिं भवति॥———[१०]

ब्रह्मौत्मुन्वदंसृजत। तदंकामयत। समात्मनां पद्येयेतिं। आत्मुन्नात्मुन्नित्यामंत्रयत। तस्मै दश्म १ हूतः प्रत्यंशृणोत्। स दशंहूतोऽभवत्। दशंहूतो हु वै नामैषः। तं वा एतं दशंहूत १ सन्तम्। दशंहोतेत्याचंक्षते प्रोक्षेण। प्रोक्षंप्रिया इव हि देवाः॥४७॥

आत्मन्नात्मन्नित्यामंत्रयत। तस्मै सप्तम हूतः प्रत्यंश्वणोत्। स सप्तहूंतोऽभवत्। सप्तहूंतो हु वै नामैषः। तं वा एत स्मप्तहूंत स् सन्तम्। सप्तहोतेत्याचं क्षते प्रोक्षंण। प्रोक्षंप्रिया इव हि देवाः। आत्मन्नात्मन्नित्यामंत्रयत। तस्मै षष्ठ हूतः प्रत्यंश्वणोत्। स षड्ढंतोऽभवत्॥४८॥

षडूंतो हु वै नामैषः। तं वा एतः षडूंतः सन्तम्। पड्ढोतेत्याचंक्षते परोक्षंण। परोक्षंप्रिया इव हि देवाः। आत्मन्नात्मन्नित्यामंत्रयत। तस्में पश्चमः हूतः प्रत्यंशृणोत्। स पश्चंहूतोऽभवत्। पश्चंहूतो हु वै नामैषः। तं वा एतं पश्चंहृतः सन्तम्। पश्चंहोतेत्याचंक्षते परोक्षंण॥४९॥

प्रोक्षंप्रिया इव हि देवाः। आत्मुन्नात्मन्नित्यामंत्रयत। तस्में चतुर्थ १ हूतः प्रत्यंश्वणोत्। स चतुंर्हूतोऽभवत्। चतुंर्हूतो हु वै नामैषः। तं वा एतं चतुंर्हूत् १ सन्तम्। चतुंर्ह्तित्याचंक्षते प्रोक्षंण। प्रोक्षंप्रिया इव हि देवाः। तमंत्रवीत्। त्वं वै मे तृतीयः प्रश्नः 15

नेदिष्ठ १ हूतः प्रत्यंश्रौषीः। त्वयैनानाख्यातार् इतिं। तस्मान्नु हैना १ श्वतंरहोतार् इत्याचंक्षते। तस्मांच्छुश्रूषुः पुत्राणा १ हर्द्यंतमः। नेदिष्ठो हर्द्यंतमः। नेदिष्ठो ब्रह्मंणो भवति। य एवं वेदं॥५०॥

देवाः षड्ढूंतोऽभवृत्पश्चंहोतेत्याचंक्षते प्रोक्षेणाश्चौषीः षद्वं॥————[११]
ब्रह्मवादिनः किं दक्षिणां यो वा अविद्वान्तस्य वै ब्रह्मवादिनो यद्दशंहोतारः प्रजापंतिर्व्यसं
प्रजापंतिः पुरुषं प्रजापंतिरकामयत् स तपः सौंऽन्तर्वान्ब्रह्मवादिनो यो वा इमं

विद्यात्प्रजापंतिः सोमः राजानं ब्रह्मात्मन्वदेकांदश॥११॥

ब्रह्मवादिनस्तस्य वा अग्नेर्यद्वा इदं किं चे प्रजापितरकामयत् य एवास्ये दक्षिणतः पंञ्चाशत्॥५०॥

ब्रह्मवादिनो य एवं वेदं॥

हरिंः ओम्॥ ॥इति श्रीकृष्णयजुर्वेदीयतैत्तिरीयब्राह्मणे द्वितीयाष्टके तृतीयः प्रपाठकः समाप्तः॥

This PDF was downloaded from http://stotrasamhita.github.io.

GitHub: http://stotrasamhita.github.io | http://github.com/stotrasamhita

Credits: http://stotrasamhita.github.io/about/